

MOSTAR Ambasador SAD Patrik Mun otvorio izložbu 'Mitomanija'

Korupcija ugrožava stabilnost države

SAD opredjeljene su da se zajednički bore sa BiH protiv korupcije • Podstaci građane da kažu NE podmićivanju i da prijave one koji traže mito

Ambasador SAD u BiH, Patrik Mun (Patrick Moon) sinoć je u Omladinskom-kulturnom centru (OKC) „Abrašević“ u Mostaru otvorio izložbu pod nazivom „Mitomanija“ te poručio da korupcija na svim nivoima i u svim sektorima ugrožava stabilnost i prosperitet BiH.

Javna debata

Riječ je o izložbi koja obuhvata crteže i karikature koje na kreativan način prikazuju posljedice korupcije

10

dana će trajati izložba u nekoliko bh. gradova

po bh. društvo, a koje su nastale kao rezultat takmičenja projekta koji su zajednički organizirali Ambasada SAD-a i Transparency International (TI) BiH. On je naveo da je



Sinoć u OKC „Abrašević“: Važna uloga građana

jako važno da se građani BiH bore protiv korupcije i da su opredjeljeni za to da javnu de-

batu oko korupcije stave u prvi plan.

SAD su opredjeljene su da se zajednički bore sa BiH protiv korupcije, a javni događaji poput ovog, ključni su za vaš uspjeh u borbi protiv korupcije. Nadam se da će ova izložba kao i program koji će uslijediti tokom narednih mjeseci podstaći vidljivu promjenu ohrabriranjem, ali i građane da kažu ne podmićivanju i da prijave one koji traže mito - potcrtao je Mun.

Predsjedavajući Odbora direktora TI BiH, Emir Đikić kazao je da je ova izložba počela od Mostara zbog neodgovornosti političkih vlasti prema građanima ovog grada.

Deset dana

Izložba će u Mostaru biti otvorena u narednih deset dana, a radovi će biti prikazani u Sarajevu i Banjoj Luci, kao i u devet Američkih kutaka širom BiH. **M. SMAJKIĆ**

Zajedno raditi na rješenju

Američki ambasador je na upit novinara komentirao i posljednje događaje u FBiH.

Očekujemo da politički lideri rade zajedno na pronalazanju rješenja. Također, očekujemo da politi-

čari rade u najboljem interesu građana, a ne njih samih. Treba imenovati sudije Ustavnog suda i rješenja se moraju pronaći da bi došlo do stabilnosti u Federalnoj vladi. To je moguće, ako rade skupa - rekao je sinoć Mun.

Stav kolegija Predsjedništva SBB BiH

Bošnjaci postali manjina u Vladi Federacije

SDA je dovela do nedopustive situacije da u Vladi budu samo četiri Bošnjaka

Povodom posljednjih događaja u Vladi Federacije BiH i nezakonitog preuzimanja iste od Jerka Lijanovića i SDA, jučer je održana sjednica kolegija Predsjedništva Saveza za bolju budućnost BiH. Kolegij je donio zaključak koji prenosimo u cijelosti:

Riječ je o potpuno neodgovornom postupku SDA i satelita u liku Lijanovića. Ovakvim preuzimanjem Vlade FBiH SDA je dovela do nedopustive situacije da u Vladi bu-



du samo četiri Bošnjaka i da nas kao najbrojniji narod svode na kapacitet koji je politički mizeran i nedopustiv. SBB je opozicija već dvije godine na

federalnom nivou, nema niti jednog člana upravnog odbora ili direktora u javnim kompanijama od federalnog značaja i ne govori ovo zbog

toga što su ugrožene fotelje koje pripadaju SBB-u, jer one ne postoje.

Postupcima SDA ugroženi su strateški interesi Bošnjaka, i to od stranke koja se decenijama hvali da ekskluzivno štiti njihove nacionalne interese.

Posebna dimenzija sveukupne neodgovornosti je što se sve ovo čini u trenucima najveće ekonomske krize u historiji poslijeratne BiH - kaže se u zaključku kolegija Predsjedništva SBB BiH.

Komentar dana

Piše: Fahir KARALIĆ

(fkaralic@avaz.ba)



Tempirana bomba

Koliko BiH ima viška eksploziva, vjerovatno znaju samo Mujezinović, Muslimović i Tihić

Koliko je u BiH u ovom trenutku viška oružja, municije i eksploziva, vjerovatno znaju samo Enver Mujezinović, Fikret Muslimović, Alija Tihić i još nekolicina kadrova SDA, od kojih se pojedini godinama dovode u vezu s paraobavještajnim strukturama, a koji putem resornih ministarstava ili Civilne zaštite kontroliraju ovu oblast.

Komandant NATO štaba u Sarajevu Valter Lord (Walter) kaže da viškovi naoružanja iznose između 13.000 i 18.000 tona. Bh. eksperti sumnjaju da se radi o znatno većim količinama. Međutim, da je u pitanju i „samo“ tona, činjenica da ne postoje kvalitetne kontrole, odnosno da su mahinacije itekako moguće, BiH čini opasnom sredinom.

Posljednja eksplozija u „Vitezitu“ ili nestanak rakete „fagot“ samo su potvrdili upozorenja da imamo sreće što su nas do sada zaobišli daleko strašniji incidenti. S

obzirom na to da je od agresije na BiH prošlo toliko godina, a da je ova oblast uređena skoro kao i '95., očigledno je da nekome ovakvo stanje itekako odgovara.

Otimanje kadrova SDA da kontroliraju ovu oblast unosi i novu dozu zabrinutosti, budući da je pristup oružju i eksplozivu moguć i osobama kod kojih ono ne bi ni u kom slučaju smjelo završiti. Imena osoba koje kontroliraju namjensku industriju i upravljanje viškovima oružja, municije i eksploziva godinama se dovode u vezu s nerazjašnjenim političkim ubistvima u BiH, ali i terorističkom jedinicom „Ševe“.

Dok takvi imaju nekontroliran pristup eksplozivu, naprimjer, BiH će ostati tempirana bomba. Istovremeno, ostat će i sumnja da su u svakom trenutku, u svakom dijelu zemlje moguće eksplozije kakve su već viđene. Pošto one ispod vozila Joze Leutara!

www.avaz.ba



PORTAL - komentar dana

Jeremić nije smio preuzeti nagradu za Pozderca!

- Jeremić je ovim činom potvrdio svoje licemjerje i nepoštovanje BiH i Bošnjaka. Uvrijedio je čak i Jevreje koje su Pozderci spasili te sam humani čin svojih predaka. Taj se čovjek izgubio u vremenu i prostoru pa bi najbolje bilo i za njega, kao i za nas, da nestane s političke scene. **Senad Altumbabić**


527.111

posjeta na portalu „Dnevnog avaza“ jučer je zabilježio „Google Analytics“.

Cijene osnovnih namirnica su previsoke

Pitanje: Jesu li osnovne prehrambene namirnice u BiH preskupe?

- A) Da 84,6 %
- B) Ne 11,2 %
- C) Ne znam 3,4 %



O aktuelnim pitanjima u BiH i svijetu možete glasati svakog dana na www.dnevniavaz.ba.

NAJPOSJEĆENIJI PORTAL U BIH